



Broj: 06-11-3442/16-23
Ilidža, 30.08.2023. godine

Na osnovu člana 69. stav (2) tačka d) Zakona o javnim nabavkama ("Službeni glasnik BiH", broj 39/14 i 59/22), postupajući po Rješenju Ureda za razmatranje žalbi Filijala Sarajevo, broj: JN2-01-07-1-1814-7/23 od 17.08.2023. godine, Zapisnika o pregledu i ocjeni ponuda broj: 06-11-3442/15-23 K od 29.08.2023.g., općinski načelnik donosi:

ODLUKU o poništenju postupka javne nabavke JN 55/23

I

Poništava se postupak javne nabavke **JN 55/23 „Izvođenje radova na izgradnji sportske dvorane u Hrasnici, Općina Ilidža“**, iz razloga što nijedna od primljenih ponuda nije prihvatljiva.

II

Rješenjem Ureda za razmatranje žalbi, Odluka o izboru najpovoljnijeg ponuđača, broj: **06-11-3442-4/23 od 26.06.2023. godine** je poništena.

III

Ova Odluka dostavit će se ponuđačima koji su učestvovali u postupku javne nabavke i objavit će se na web stranici ugovornog organa u skladu sa članom 70. stav (6) Zakona o javnim nabavkama.

O b r a z l o Ź e n j e

Na osnovu Odluke o pokretanju postupka broj 06-11-3442-1/23 od 05.05.2023. godine pokrenut je otvoreni postupak javne nabavke **JN 55/23 „Izvođenje radova na izgradnji sportske dvorane u Hrasnici, Općina Ilidža“**.

Procijenjena vrijednost javne nabavke bez PDV-a iznosi: 6.673.000,00 KM bez PDV-a.

Obavještenje o nabavci broj 888-1-3-121-3-97/23 od 08.05.2023. godine, Ispravke obavještenja o nabavci: 888-1-3-121-8-124/23 od 29.05.2023. godine i Ispravke obavještenja o nabavci: 888-1-3-121-8-139/23 od 09.06.2023. godine.

Ponude su blagovremeno dostavili ponuđači:

1. Konzorcij RADIS d.o.o. I.Sarajevo, ul. Jovana Dučića 16 i GP GRADIP a.d. Prnjavor, ul. Svetog Save 28, čija cijena ponude bez PDV-a iznosi 6.672.971,39 KM
2. Konzorcij DEBOS d.o.o. Sarajevo ul. Hamze Čelenke br.5 i BAUPARTNER d.o.o. Lukavac ul. Termoelektrana bb, čija cijena ponude bez PDV-a iznosi 7.306.362,43 KM
3. Konzorcij AREL d.o.o. Zenica, ul. Sarajevska 133 i ŠIRBEGOVIĆ INŽENJERING d.o.o. Gračanica, ul. Branilaca grada bb, čija cijena ponude bez PDV-a iznosi 6.672.884,32 KM
4. Konzorcij EKO TEH d.o.o. Sarajevo, ul. Reljevska do 48 i GRADMONT d.o.o. Gradačac, ul. Donje Ledenice bb, čija cijena ponude bez PDV-a iznosi 6.672.976,43 KM



Ugovorni organ je dana 26.06.2023. godine donio Odluku o izboru najpovoljnijeg ponuđača, broj: 06-11-3442-4/23.

Na navedenu Odluku ponuđač RADIS d.o.o. je izjavio žalbu, koju je ugovorni organ sa izjašnjenjem i kompletnom dokumentacijom, u skladu sa članom 100. stav (5) Zakona o javnim nabavkama prosljedio Uredu za razmatranje žalbi na nadležno postupanje.

Ured za razmatranje žalbi filijala Sarajevo je rješavajući po žalbi RADIS d.o.o., broj: 1258-07/23 od 07.07.2023. godine na Odluku o izboru najpovoljnijeg ponuđača broj: 06-11-3442-4/23 od 26.06.2023. godine donio Rješenje broj: JN2-01-07-1-1814-7/23 od 17.08.2023. godine kojim je usvojio žalbu, poništio Odluku o izboru najpovoljnijeg ponuđača broj: 06-11-3442-4/23 od 26.06.2023. godine i predmet vratio ugovornom organu na ponovni postupak.

Ponovnim uvidom u pristigle ponude za predmetnu nabavku ugovorni organ je utvrdio sljedeće:

Ponuda ponuđača Konzorcij AREL d.o.o. i ŠIRBEGOVIĆ INŽENJERING d.o.o. Gračanica, se odbacuje iz razloga jer navedeni ponuđač nije ispunio uslov iz tenderske dokumentacije a koji se tiče profesionalno tehničke sposobnosti ponuđača. Tačkom 2.4.1 tenderske dokumentacije zahtijevano je da ponuđači u svrhu realizacije ugovora moraju imati na raspolaganju inženjere sa najmanje pet (5) godina iskustva na poslovima upravljanja gradilištima i položenim stručnim ispitom. Iz dostavljenih CV vidljivo je da isti ne sadrže zahtjevane podatke, odnosno predstavljaju nepotpune informacije o radnom iskustvu. Naime, periodi angažmana osporenih lica su neprecizno navedeni, odnosno nije jasno naveden period angažiranosti po pojedinim projektima, iz čega se ne može zaključiti da navedena lica imaju 5 godina iskustva na poslovima upravljanja gradilištima kako je zahtijevano tenderskom dokumentacijom.

Na osnovu navedenog ugovorni organ konstatuje da ponuđač Konzorcij AREL d.o.o. Zenica i ŠIRBEGOVIĆ INŽENJERING d.o.o. Gračanica nije ispunio uslov iz tenderske dokumentacije a koji se odnosi na profesionalno tehničku sposobnost ponuđača.

Također, ugovorni organ konstatuje da je tenderskom dokumentacijom zahtijevano: *"Nabavka materijala i instalacija višenamjenskog sportskog poda CONIPUR HG eco ili ekvivalent koji pruža komfor i sigurnost u sportu u kombinaciji sa dobrim multifunkcionalnim osobinama, nominalne debljine 8 mm (6+2mm)"*. Imenovani ponuđač je ponudio sportski pod koji ne odgovara traženim tehničkim specifikacijama. Naime, isti je ponudio pod Conipur HG debljine 9 2 mm što je vidljivo na osnovu dostavljenih certifikata ponuđača. Ugovorni organ konstatuje da je navedeni ponuđač dostavio pod veće debljine od zahtjevane tenderskom dokumentacijom.

Na osnovu navedenog ponuđač Konzorcij AREL d.o.o. i ŠIRBEGOVIĆ INŽENJERING d.o.o. Gračanica nije ispunio uslove iz tenderske dokumentacije, te se ponuda kvalifikuje kao neprihvatljiva.

Ponuda Konzorcija DEBOS d.o.o. Sarajevo i BAUPARTNER d.o.o. Lukavac se odbacuje kao neprihvatljiva iz razloga jer cijena iste prelazi planirana, odnosno osigurana novčana sredstva ugovornog organa za predmetnu nabavku. Naime, planirana/obezbjedena sredstva za predmetnu javnu nabavku iznose 6.673.000,00 KM bez PDV-a, a ponuda ponuđača iznosi 7.306.362,43 KM bez PDV-a.

Ponuda Konzorcija EKO TEH d.o.o. Sarajevo i GRADMONT d.o.o. Gradačac se odbacuje kao nepravilna i neprihvatljiva. Naime navedeni ponuđač nije pravilno numerisao ponudu. Nakon strane 340. ponuđač je sljedeću stranicu numerisao sa brojem 350. čime nije obezbjeđen kontinuitet numerisanja.



Ponuda navedenog ponuđača je i neprihvatljiva iz razloga što na potvrdi o uspješnoj realizaciji projekta br. 02/08-19-21005/22 SA od 10.10.2022.g. koju je dostavio član Konzorcija EKO TEH d.o.o. nije navedeno da su radovi izvršeni odnosno rađeni od prefabrikovane AB konstrukcije kako je zahtjevano tačkom 2.4.2 Tenderske dokumentacije. Navedeni ponuđač nije ispunio uslov Tenderske dokumentacije a koji se tiče dostavljanja certifikata/atesta/kataloške dokumentacije. Ponuđač je ponudio ekvivalente samo u mašinskim instalacijama, za toplotnu stanicu (pozicija 5.2.3) ali nedostaje atestna dokumentacija za ponuđeni ekvivalent. Za poziciju 5.2.4 A Podno grijanje u estrihu- mala sportska sala, za redni broj 3. („Termika“) ponuđen je ekvivalent sa manjim koeficijentom toplotnog otpora od zahtjevanog, te se ponuda kvalifikuje kao neprihvatljiva

Ponuda Konzorcija RADIS d.o.o. I. Sarajevo i GP GRADIP a.d. Prnjavor se odbacuje iz razloga jer navedeni ponuđač nije ispunio uslov Tenderske dokumentacije a koji se tiče dostavljanja certifikata/atesta/kataloške dokumentacije.

Naime, za „VELIKA SALA SPORTSKI POD - PARKET - stavka XIII /1.“ —umjesto projektovanog ponuđen je ekvivalent sportski pod – PRO ACTION THRUST. U priloženom tehničkom listu nije vidljiva debljina ponuđenog sistema sportskog poda. Za „MALA SALA SPORTSKI POD – pozicija XIII. 5 CONIPUR HG 6+2 mm“ ponuđen je sportski poda tipa PAVISAN SL sa četiri različite debljine izvođenja i to : PAVISAN SL 75- 5+2 PAVISAN SL 75- 7+2 PAVISAN SL 75-9+2 PAVISAN SL 75-12+2 ali za iste nije dostavljen IHF certifikat tražen tenderskom dokumentacijom, te se ponuda kvalifikuje kao neprihvatljiva.

S obzirom na navedeno, ispunjeni su uslovi za poništenje postupka javne nabavke, te primjenom člana 69. stav (2) tačka d), odlučeno je kao u dispozitivu ove Odluke.

Nakon pravosnažnosti ove Odluke, nalaže se Službi za komunalne poslove i infrastrukturu i Službi za finansije da u okviru svojih nadležnosti poduzmu aktivnosti sa ciljem ponovnog provođenja postupka javne nabavke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema odluke. Žalba se ulaže URŽ-u putem ugovornog organa u pisanoj formi direktno ili preporučenom poštanskom pošiljkom. Žalba se podnosi u tri primjeraka.

OPĆINSKI NAČELNIK

Benjamin Mužur, magistar uprave

DOSTAVLJENO:

1. Ponuđačima 4x
2. Služba za komunalne poslove i infrastrukturu
3. Kabinet Općinskog načelnika
4. Služba za zajedničke poslove (za objavu na WEB stranici)
5. a/a

Izradila: Arnela Merdžanić, BA. prava

Kontrolisao: Benjamin Mešak, dipl. ecc

